

AKASHVANI AIZAWL

REGIONAL NEWS BULLETIN

Friday, December 12, 2025 Time - 2:30pm - 2:35pm

HANDHOLDING SCHEME

Mizoram sorkar flagship programme Bana Kaih (Handholding) Scheme Phase-II ah progress partner ni tura dilna 40,928 a lut tawh.

Adviser to CM (Handholding) Dr KC Lalmalsawmzauva hnen atanga Akashvani News, Aizawl thudawn danin, Bana Kaih Phase-II ah nimin December ni 11 thleng khan progress partner ni tura dilna 40,928 a lut tawh a, heng dilnate hi loan component hnuai dilna 481 leh Chief Ministers Special Package hnuai dilna 40,447 an ni.

Bana Kaih Phase-II hnuai loan component diltu 481 hi mimal anga dil 458 leh pawl anga dil 23 an ni a; CM Special Package diltu 40,447 zinga 40,435 hi mimal anga dil niin, pawl anga dil 12 an awm bawk a ni.

Dr KC Lalmalsawmzauva chuan Phase II hnuai loan dilna lut hi a concerned department ten an endik mek avangin Bana Kaih Scheme-a thuneitu sang ber Apex Body-in Phase-II hnuai progress partner dilna pawm an la neih rih loh thu a sawi.

Voicecast

Implementing department ten recommend list an thehluh veleh a fel fai leh pektlak ho chu Apex Body in ngaihtuahin a pawmpui dawn a, Implementing department atang hian recommend list 42 lut tawhin, Mizoram KVI Board atangin 22 leh Cooperation dept atangin 20 a lut tawh a ni. Heng hi document kim loh avang leh chhan dang avangin en that leh tura hriattir leh mek an ni a, a rang lama thlir that leh tum a ni.



GOVERNOR

Ek Bharat Shreshtha Bharat hmalakna hnuai ah Mizoram Larsap General (Rtd) Vijay Kumar Singh hovin nimin khan Assam leh Nagaland State-te dinchamphaphak 'Foundation Day' lawmna chu Aizawla Durbar Hall, Lok Bhavan-ah neih a ni.

Larsap Kumar Singh chuan Assam leh Nagaland-te foundation day puala duhsakna hlanin, state pahnihte chu Mizoram ang bawka hnam ziarang leh danglamna ngah tak an nih thu a sawi a. Assam chu India hmarchhak tana luhka pawimawh tak, history mai bakah geography ang pawha hmun pawimawh tak chang a nih thu a sawi a. Nagaland chu hnam peng hrang hrang awmna leh kutthemthiamna avanga hriat hlawh a ni, a ti.

Mizoram Larsap chuan Sawrkar laipui hmalakna Ek Bharat Shreshtha Bharat programme chu India ram hnam ziarang leh nunphung hausa tak pholanna leh inhriatpawh tawmna tura buatsaih thin a nih thu a sawi a. India ram intodelh 'Vikshit

Bharat' ni turin mawhphurhna, abik takin ram inghahna thalaite'n an neih nasat thu sawiin, Vikshit Bharat ni turin midangte hnam ziarang leh nunphung zir peihna, tanruala, inunauna tha leh inhriatpawhtawwna neih a tul thu a sawi a. Internet lamah thu dik tawk lo leh chi inthliarna lam hawi thu thehdarh a tam tih sawiin, kan zavaia him nan leh inpumkhat nan Ek Bharat Shreshtha Bharat programme hi duan a ni, a ti bawk.

Ek Bharat Shreshtha Bharat programme hian India rama State leh UT hnuai cheng hnam hrang hrang, hnam ziarang leh nunphung inang lo tak takte inkara inpawhna tha zawk siam leh inhriatthiamtawwna nasa zawk siam a tum a. He programme kaltlang hian India rama State leh UT hrang hrangte dinchamphaphak Foundation Day lawmna chu Mizorama Lok Bhavan-ah Governor kaihhruaiin June, 2023 atang khan buatsaih tan a ni.



LAWNGTLAI CHRISTMAS PREPARATION

Lawngtlai DC Conference Hall-ah nimin khan Krismas leh Kum thar vuakveta mipuiten ralmuang leh him zawka hunpui an hman theih nan puak thei thil Halpuah, Halmawi leh a kaihhnawih chi hrang hrang khapna siam leh a kenkawh dan tur relin an thukhawm.

Bawrhsap Pu Donny Lalruatsanga chuan Krismas leh Kum thar vuakvetah Halpuah leh a kaihhnawih hal lo turin sawrkarin thuchhuah a siam thin tih sawiin heihi mipui vantlang him zawkna tur a nih angin, tha tak a zawm turin mipuite a ngen a .A bik takin sumdawngte chu halpuah leh halmawi zuar lo tur a chahin, sawrkar thupek zawm ngei ngei turin a chah a. Bawrhsap chuan Kohhran leh Tlawmngai pawl hrang hrangte thawhpaina leh tawiamna ngenin, zalen taka Krismas leh Kum thar hmang turin mipuite duhsakna a hlan a ni.

He thutkhawmah hian Mipuiten zalen taka mamawh lei a an bazar theih nan December ni 19 ah No Vehicle Day siam ni se an ti a. Krismas puala kawm chei chu tha an tih thu tarlangin, hemi atan hian veng tin ten mahni remchan dan ang angin lo chei se tih a ni bawk.

(Lalnggheta Ralte PTC Lawngtlai)



RUIHHLO DO

Central YMA chuan kumpuan “ Ruihhlo Do” Duty chu nimin tlai atang khan an nei tan a. Duty bul tanna hun tawi hmangin Vice President leh Kumpuan Chairman ni bawk Prof. Lalnuntluanga'n a kaihruai a ni.

Duty tannaah hian CYMA President Pu R. Lalnggheta chuan, Hunpui an hma chhawn mekah ruihhlo a hluar chhoh zel avangin ruihhlo do kawngah theihtawp an chhuah tlan a ngai a ti a. Ruihhlo dotu te chu ruihlo lakah kan fihlim a ngai tih sawiin tha thlah thei an ni lo, a ti. Polite tak si khawng tak si in an thawk dawn tih sawiin, ram leh hnam thatna turin theih tawp chhuahin fimkhur tak in an kal dawn a ti a. Ruihhlo man danah pawh Dan ang thlapa man a ngai, a ti bawk. Ruihhlo zuar sim

duh lo te, tha tak a sim tur a an tih sim duh lo te erawh dim an tum lo tih a sawi baw
a ni.

Central YMA hian nizan atang khan ruihlo do beihpui an thlak tan a, ruihlo
ngai an man te TBCC-ah dah zel an tum bawk.



SOLAR PUMP

Champhai North Bialtu MLA Pu H. Ginzalala chuan Neihdawn khawtlang
mamawh, an tomato chinna hmun atana hman tur Tui chhoh Luan Project (solar
Pump) a hawng.

He tuichhoh luan project hi Neihdawn khawtlang, Tomato chingtuten an
mamawh a ni a, tui harsatna nasa tak an neih avanga harsatna an tawh thin thu chu
Bialtu MLA hian a hria a, an harsatna sutkian sak dan ngaihtuah sak in tuichhoh luan
project hi an ruahman ta a ni.

He hunah hian Bialtu MLA chuan, Neihdawn khawtlangin theihtawp chhuah
a an hmalakna sorkarin a hria a, an harsatna sutkian a nih theihnan theihtawp tak
meuh meuh an chhuah a, he tuichhoh luan project an hawn tak hi tangkai taka hmang
a, tomato tam zawk an thar chhuah an beisei tih sawiin, ramchhung hmundangte
entawn tur atana in thawhrim kan beisei a ni, a ti. Adviser to Chief Minister chuan a
enkawl chungchangah khawtlang mipui ten mawh an phur a, dimdawi taka enkawl
turin an beisei tih a sawi bawk.

(Lalhlupaia, PTC Champhai)

